

Мокшэрзянь  
ВЛКСМ-нь обкомть  
и Саранскань  
Горкомть газет-  
ска

Редакциянь адресонь:  
Саранск, ул. Карла  
Маркса 9—„Комсо-  
молонь вайгяль“

Газетать питуец  
ковс 60 трешник



# Комсомолонь ВАЙГЯЛЬ

11

ОКТАБРЬСТА  
1935 КИЗОНЯ  
113 (214) №

Лисонди омбоце кизь кошти 12

## „Комсомолонь Вайгяль“ и „Ленинэнь Киява“ газетатненъ распространенияснон колга

Мокшэрзянь ВЛКСМ-нь обкомть бюрону пугфисоц сентябрьте 23-це  
шистонза 1935-це кизоня

Обкомть бюрону лувонцы, што союз печатть ширьде (директороц Адайкинц) бездеятельностень няф немать и терть эсь отям мольфтемани сюнеда и „Комсомолонь вайгяль“ газетать редакторонц (Руськинц) и „Ленинэнь киява“ (Люкаевц) ширьде серьезнай мерань аф примамать сюнеда, ВЛКСМ-нь обкомть пленумонц пугфисоц ня газетатненъ тиражснон 4000 экземплярс пачфтемаснон колга, аф пашкочневи. Касомать васте тиражсь коства-ковс коль кири. Кда июнь ковть 1-це шинцты „Ленинэнь киява“ тиражец ульсь 2400 экземпляр, то июль и сентябрь кофнень тиражсь средняйста валкс 1800 экземплярс. Тяфта жа ащи тевсь „Комсомолонь вайгяль“ мархтонга.

Тиражть систематическайста аф цышкочневиц и вишкста киремац арси результатос сянди, што лама райкомт недооценивают комсомольскэй печатть. Тянди результатос арси ся, што Саранскэй горкомсь теенза максф заданиять пашкодезе аныцек 12 процентс, Б. Игнатовскэй—21 процентс, Ичалканскэй—5 процентс, Шайгавонскэй—15 процентс, Инсаронскэй—4 процентс и Теньгушевонскэй—0 процентс.

Сембе тя вярэ азфть ланкс ваномок ВЛКСМ-нь обкомть бюрону пугнесы:

1. Пугомс обязанность Люпаев и Руськинц ялгатненъ ланкс кучемс маластонь пингть 2—3 районга редакциянь работникт специальна газета распространядама.

2. Пачфтемс ВКП(б) нь обкомть мяльсь сян, што союзпечатсь (директорсц Адайкинц) безответ-

ственнайста ваны комсомольскэй печатть распространядаманц лангс и вешемс, штоба сонь мархтонза улельхть примафт воздействиянь эрвикс мерат.

3. Сявомс мяльсь Адайкинц ялгать заявленияц сян колга, што сонковонь йотамс пашкодсь комсомольскэй газетатненъ тиражснон.

4. Марьгомс комсомолонь райкомтненди очередной бюросост ванонномс кизефисть газетатненъ распространядаманц колга и примамс решительнай мерат контрольной цыфратненъ пашкодемаснон ингса.

5. Марьгомс райкомтненди и первичнай организациятненди кэчксемс комсомольскэй газетатненъ распространенияснон колга кизефисть первичнай организациянь и одломанень марстонь пуромксненъ эса и кочкамс специальна ответственной ломатть, конат ба кочкальхть подписчикт первичнай организациятненъ эзга.

6. Бюрось азонцы, што „К. В.“ и „Л. К.“ газетатненъ доставкас на ладяф безобразно калдявста, улихть фактт, мзярде кой-кона подписчиктне кизонь перьф аф получакихть газетат (Андроновсь кизонь перьф получаць „Ленинэнь Киява“ аныцек 3 экземплярхт и ст. тов.).

7. Марьгомс Лютаевти и Руськинцти октябрь-ноябрь кофнень пингста 4 районга йотафтомс читательскэй конференцият.

8. Обкомонь очередной бюросакулхондомс кой-кона райкомтненъ, редакциятненъ и союзпечатть тя решениять пашкодеманц колга.

ВЛКСМ-нь Обкомть секретарец ИВАНОВ.

## Комсомольскэй организациясь касы

Слобда. Маскина велень комсомольскэй организациясь пуроптф 1935 к. коса инголе улсь 9 комсомолецт Тедлень кизоть комсомолу примафт тага 9 комсомолецт.

Комсомольскэй организациясь работай аф калдявста, комсомолецтне примихть участие сембе хозяйст-

венно-политическай кампаниятненъ эса.

Политтонафнемаса станя-жа фатяфт сембе комсомолецтне, занятятне йотафневихть регулярнайста.

Цебярьста ладяф и членскэй взносонь пандомаська.

Ивашкин.



Узбекистанон васеньце парашютисткась—Мирбабаева комсомолкась терьдезе аэродрому эсь бабани, штоба няфтемс теенза парашют мархта комотноматненъ.

СНИМКАСА: Мирбабаева комсомолкась жорхни эсь бабани Ибраимбаеват мархта Ташкентонь аэродромса лиймда инголи.

## Идътненди од технической станция

Б. Березникаса ВЛКСМ-нь райкомсь марса районоть мархта организовандасть идень районнай технической станция, конац ушедкшнесы эсь работанц. Районось нолдась технической станциянди полный политехнической оборудованья, а райземотделсь явошни станцияти опытонь тиендемс модавль участка.

Тя технической станциять эса организовандакшневти радиокружок од радиотехникть Ваня Ухановть руководстванц вельде, организовандакшневти юнай авиомодельствонь кружок, коса шабатьня ушедсть ни стройсеме авиомодельхть, кармайхть тонафнемонза парашютть, конанц тиезе Матвеев Гришась.

Но эряви азомс, што республиканскэй Наркомпросонь идень технической станциясь тя пингс руководства аф няфни. Сонь работниконза Дымков и Григорьев ялгать не отказасть максомс материальной лезкс одс организовандави технической станцияти.

Надьятама ВЛКСМ-нь обкомсь лезды тя тевса и кошардсьеве республиканскэй ДТС-ть руководителензон, штоба синь видекус явольхть руководства райоттненъ лангса.

А—Гирдо



Женеваса Лига нациянь пленумса.

СНИМКАСА: СССР-нь Союзонь делегатне ЛИТВИНОВ и Б. Штейн ялгаттне пленумонь заседаниясть ваймама пингста.

## Итало-Абиссинскэй войнась

### Данакильскэй фронтса

Мусса-Али пандть районца италиань войскактне, сембедонга паштуземнай аскаритне, молихть Ауссиль и Аддис Абеба Джибитти машина кить шири.

Кода азонцы „Таймость“ коррес-

понцентон, Десси ошсь (коса ащи фронтонь штабсь), конац ащесь бомбардировкаль ала кафта шидатяда инголе, кода няевти, ули эвакуировандаф.

### Аддис Абебать арелямац

Абиссиниянь императорсь нолдась приказ, конань эса марькф Аддис-Абебань сембе эрйхненди шувондомс окопт. Окопне шувондовихть ошть перьф ащи пандтненъ (холматненъ) лангса. Рентер агентствать

азондоманц коряс, Аддис-Абебань эрйхненъ лия васте тушендомасна моли тяшкава вишкста, што италиань самолеттне бомбань йорямста сатсазь тоса аныцек полицейскэйхненъ.

### Адигратть инькса тюремась

Стефани агентствась азонцы, што октябрьте 5-це шистонза васеньце италианскэй корпуссь Сантини генералть командованиянц ала танга занаяз Адигратть, конац фкя пингть йотнесь абиссинецненъ кядьс.

Германскэй газетатненъ азондо-

маснон коряс, италиань войскактне октябрьте 7-це шистонза ульсь Адигратть эзда кафта километрнень вельф, конань синь несколькокст йоразь сявомс штурмаса, но постоянна синь ульсь йоряфт.

## Эритрейса абиссинецненъ военная операциясна

„Верлинер тагеоблатть“ специальнай корреспондентонц азонцы, што Аддис-Абебаса корхтайхть, што Сейюма расть армиянц частец Адуать северо-западнай ширесонза сязезе италианскэй фронтть и ушедозень военной действиятненъ Эритрейса. Кассас рассь Дебра Табарть маласа пуроптсь 150 тьожань ломань и моли тяни Адуать шири Сейюма расть частензонды лездоме. Италиань самолеттне мольфнихть разведывательнай операцият, й о р а й х т ь мумс бомбардировканди уязвительнай пунктт.

„Таймисть“ корреспондентонц валонзон коряс, тя пинкс упорнайста якайхть слухт сян колга, што Айелу расань войскактне молихть Агордатуть и Эритреють шири. „Эк-

сгейдж телеграфть“ корреспондентонц кулянь пачфтемани коряс няевти, што италианецтненди савсь калафтомс Эритрейса италианскэй флангть йотаманц колга абиссинецненъ попыткаснон. Биркутан горатьненъ перьф самолетне мусть абиссинскэй крупнай войскакт, конат снабженхть зенитнай орудияса. Кода корхтахть, италианецтненди удалась бомбардировкань вельде синь страфтомс.

Армейскэй омбоцек корпусст эзда италианскэй армиянь отрядсь ванонцине я А д у а т ь эзда северо-западть шири территориятненъ сян ингса, штоба содамс коса ащихть абиссиниянь снайперхне, конат тяда инголя пашкодемань тревожазь италианскэй войскактненъ.



## Политзанятия в аф эявикс сборища

Октябрь 2-це шистонза Березникань районнай центра комсомольской активэ эзда пуроптф политкружокс йотафтозе колмоце занятия. Сембоц тя кружокса 20 комсомолецт, сембе синь работайхть районнай организациатнень эзга. Кружокс кочкесыне Коминтернань 7-це конгрессеь материалонзон, Пик ялгать докладонц.

Пингсь 6 част 30 минутат, руководителсь Левин ялгась (райкомонь секретарсь) сявозе регистрациань спискаты и корхтай, што занятияв сась 15 комсомолецт, значет, ушедсаськ занятиятнень.

Марявсть вайгельхть—да! Занятиясь ушедовсь ладяф пингть коряс 30 мунитада сядя поздна.

Занятиясь мольфневи тяфтама методса, васенда киге руководителсь тии вводной беседа темать коряс, тяда меле эрь кружоконь слушателсь кудса должен проработондамс материалть и омбоце занятиятса тя темать коряс йотафневи беседа (конференция).

Тяни ванцаськ кода слушательхне аноклафста састь занятиав. Васень кизефксь максф Яськин (сон работай сберкассань заведующайкс) отвечай-мон ашине морфне материалть. Изезь отвеча Панкин станяжа ашезь анокла, Бердников и лама лиятне исть анокла—састь пассивнай слушателькс.

15 комсомолецтнень эзда аныцек 4 ломатть отвечать, синь все жа анокласть, но ответсон коряс няеви станяжа лафчеста аноклафсна. Сембода цебарьста отвечась Пердо ялгась, сонь ответонзон коряс няеви, што материалть аф аныцек

морфтозе, но цебарьста проработондазе.

Тяфтама калдывста аноклафсон инкса политшколань руководителсь вынужденаель лоткафтомс беседать. Тись перерыв и тязк кошарпозень сембе слушательхнень мольфтемс подготовка и часонь перерыва меле ушедовсь беседась. Тяда меле слушательхнень эзда ламось кармасть максеме ответт.

Тя занятиясь няфтезе што активсь калдывста аноклокшни политзанятиятненьди. А тя вдь пях калдыв сяс, мес эздост инь ламось кучсевичть райкомть ширьде уполномоченнайкс первичнай комсомольской организациява. Тяда башка тя занятиясь няевсь, што активть эзда ламось пях калдывста работаихть эсь политической сода машинсон касфтомаснон лангса.

Йофсик аф простительна Косынкин ялгати. Сон работай РайОНО нь полит просвет инспекторкс, Коминтернань 7-це конгрессеь решениянзон аф содасыне;

РИК-нь комсомольской организациять комсоргоц Бердников ялгась станяжа аф содасынс вьре азф решениятнень и лият.

Нят ялгатнень ингоде эряви пуромс кемоста кизефксь, што аф шава вэлхт—болтовня эрявхть политзанятиятнень касфтомаснон колга, а эрь шинь систематической работа. Кда аф ули тя, то синь немогут улемс полноценнай активисттокс а кармайтхть улеме проста балтуте. Тя занятиясь эзда эряви тиэмс кеме выводт сянь колга, што активть йоткса работась тячиень шити организовандаф ни нге лафчста.

К

## Аф сатыкст, конатнень аф найсыне ВЛКСМ-нь райкомс

БЕРЕЗНИКИ. Березниковань ВЛКСМ-нь райкому питай эрь шиня сашендыхть кулят первичнай организациява афсатыксьнень колга и лама синь эздост печатлакшевихть районнай печатьсовок, но райкомс (секретарсь Левин ялгась), кода няеви, аф шарфни кодамовок мяль синь лангозост.

Тя организациясь лама комсомолецта, конат ламонь киза ни аф ланнихть комсомольской взност, комсомолецтне симоньдихть, тиеньдихть растратат, но штоба петемс эльбетькснень тевть апак лоткафнек, тянь колга кивок мезевок аф арьсе кшни.

Вов Нирлей велеса ули аф пях оцю комсомольской организация. Комсоргокс тяса работай Н. Т. АРТЮШИНЦЬ, кода йота работай комсоргокс, вестьке изь пуроптне

комсомольской пуромкс, а политзанятиятнень колга аш месь корхтамска.

Артюшинць парста аф содасыня кит, организациясонза комсомолецтне. Сьоронь урядаматнень пинькста паксяса ашель вестьке, сяс и аф содасыня кит комсомолецтонзон йоткса ударникт, кит лодырьхт.

ВЛКСМ-нь ЦК-ть XI пленумонц решениянза и ВЛКСМ-нь ЦК-ть «комсомольской пуромкснень колга» решенияц тячимс апак ванонтт.

Сянь васте, штоба ладямс комсомолецтнень йоткса работать, Артюшинць шинек-венек вешеньди винат, кода-ба симомс.

Тяфтама фактта мувихть лама, но саты тьявок, штоба кармафтомс ВЛКСМ-нь райкомть синь мархтоз мерань примсема и первичнай организациатненьди лезксонь максема.

МАРЧЕНКО.



„Герой труда“ колхозонь колхозникне (Симферопольской р-н, Крым) эсь тувонь фермасост строяхть од просторнай, цебарь свинарник 50 пряньди.

## КОМСОРГТЬ ШОВДА ТЕВОНЗА

Ковылкино. Ежовка велеса ули первичнай комсомольской организация коса луводови 15 комсомолец. Кода няеви комсомолецта лама, но работа синь йотксост кодамовок аф йотафневи.

Васендакига политтонафнема мьзрдонга изь эрся и афи эряй, станяжа комсомольской пуромкстка кочксевичть пек шуроста, а культмассовой работать мьзрдонга изезь ушодкшне.

Велеса-ули избач—Козеевсь но морфтома кудоньди кодамовок здание аш. Колхозсь рамась гармошка, но сон эряй Козеевть кядьса, а од ломаттне сонь вестьке аф ня енцазь.

Комсомольской организациясь тиеньдсь план культмассовой работать вьтеманц колга ВЛКСМ-нь ЦК-ть XI пленумонц решениянзон коряс, коса ульсь сьорматф: тиэмс военно-физкультурнай городок, пуроптомс драматической кружок

и стак тов, но тя и планць илядсь аныцек кагод ланкса.

Комсоргсь Здуковсь, работать ладяманц васте, кармасть симоньдеме, „сяпи ведьта“ и лия аф эрявикс: тевонь тиеньдема.

Тяда башка Здуковсь соньценъ ялганц мархта иредста кармасть хулиганничиндама, пикссезь СПО-нь счетоводть Вишняков ялгать и колхозонь весовчикть Ануронкинть М. С.

1934 кизоня Здуковсь работась Кавылкинань ВЛКСМ-нь райкомса тевонь вятикс, сон соньценъ стажонц прибавазе 1 кизос, сувась комсомолу 1934 к, а сьормадсь 1933 кизоня, а Казеевти 1933 к васте сьормадсь 1932 кизоня.

Звуковть улихть чистой пьчат мархта бланканза Ковылкинань ВЛКСМ-нь райкомста.

ВЛКСМ нь райкомти инь курук эрявихть примамс мерат.

М.

## ШКОЛАТНЕНЬ ЛАНГСА РУКОВОДВАТЬ МОЛЬФТЕМС КОНКРЕТНА

МАССР-нь ламоц райоттнень эзга высшай и средний школатнень эса пях калдывста ладяф руководствась общественно политической работать мархта. Тя лисеньди сянь эзда, што ВЛКСМ-нь горкомти и райкомтне пях шуроста шарфнихть мяль учебнай заведенийтнень лангс.

Саранскайса пях лама учебнай заведенийа, конатнень эса тонафнихть лама тьожатть студентт. Аныцек комсомолецта лувондови 800 ломатть. Тяста няеви, киньди ба, кода аф Саранскаень горкомти вьтемс эрь шинь конкретнай руководства тя комсомогецень армиять—сай пингень специалисттнень, коммунистической воспитаниянсон лангса? Но эряви ужальдемга азомс, што тя руководствась студенчествов, а сембода пях комсомолецтнень йоткса общественно—политической работать лангса ВЛКСМ-нь горкомть ширьде тя пингс вьтевсь пях калдывста. Студенчествов, а башка сьвомс комсомолецтнень классовай бдительностьсна пях лафча. Улихть фактт, што чуждай элементтне повондыхть учебнай заведенийа тонафнема. Кепотьксоньди сьвомс Пединститутонь (Саранск) комсомольской организациять, кода пях лац няфтезе эсь классовай бдительностьфема шинц. Тоса од студентонь примамста ульсь приматф тонафнема Подгорскай хне (Кафта братт) — кулаконь цьоратьне. Воскресенскаясь — попонь стирь, Клементьевсь и лият.

Тяда башка, документфтома ульсь приматф Кузнецовсь, кода мусь эстиенза ялга Гусевть и кармасть ноляма фсякай антикомсомольской небылицат, руководящай работникнень адреса. Синь лувондозь эрявиксоньди буржуазнай ингольденъ литературат, а тяниень Советскайть лувондозь аф коньдятикс, мокшэрзянь литературат лувондозь „дрянькс“ и ювадькшность: „минь аф карма-тама и тейнек афи эряви тонафнемс мокшэрзянь кяльсь“ и ст. тов, а комитетонь секретаресь Сильниковсь, тянь колга содась, но кодамовок мерат изь примсе и афи каштордольба, кда синьць комсомолецтне афолезь тока тя кизефксь.

Омбоце моментсь, тя ВКП(б) ть историянц тонафнема кружокне,

конатнень работаснон лангса тяфта жа горкомсь калдывста вяти руководства, а сембода пях тевать лангс калдывста шарфни мяль горкомть политтонафнемань отделонц заведующаец Бутузов ялгась, кодац сембе эсь руководстванц йотафнесы телефон вельде, тиевсь штатнай телефонистокс. Йофси аф йотафневихть эряфс работань тяфтама методтне активть и пропандисттнень мархта, кода оцю политической кизефксонь колга лекцияц, художественнай произведенийань ванондомат, пьесань кино картинань ванондомат, беседат сире большевикнень мархта, экскурсият и стак тов.

Тяфта жа калдывста вьтеви работась комсоркнень и комитетонь секретарьхнень йоткса, сембода пях членскай взносонь пандома работать колга. Педагогической институтонь комсомольской организация и эрь квня эряви кочксемс 98 цалковахть членскай взност, а фактически кочкафт 74 цалковайхть и кассав максфг аныцек 57 ц. ковати. Кизоти эрявольхть максомс 1180 ц; а кочкафт 892 ц. и максфг сберкассав аныцек 686 ц. Тяста лисеньди, што 206 цалковайхне сознательнай апак макст сберкассав. Взносонь кочкайсь Кабаевсь нят 206 цалковайхть ярмакнень йотафтозень эсь личной нуждасонкса; сон тя антикомсомольской поступкаты азондчнесы тяфта: „Монь родительхненьди ашель мезьса рамамс кши, вачедольхть, вов мон и кучине теест ярмакнень“. Кабаевсь сянь васте, штоба кочксемс студенттнень кядьста взност 60 трьошникт, 1 цалковонь и ст. тов, сон сембонь кядьста сьвоньдсь аныцек 20 трьошн. Тяса тяфта жа винась вельси и горкомть лангска, кодац ашезе лув эрявиксоньди вьтемс организациатнень эзга финансовый учет, исть шарфне мяль тя внутрисоюзнай работань ответственной участкаты лангс.

Саранскаень ВЛКСМ-нь Горкомти школань комитеттненьди и организациатненьди эряви кеподемс политко—воспитательнай работать тонафнихнень йоткса стане, штоба сон видекс лездоль анокламс од пролетарской специалитонь кадрат.

Бух.



Зубу. Тархан Потьма велеси улихть кафта комсомольской организации: производствань территориальной. Территориальной комсомольской организацияса комсорг-токс ульсь кочкаф школань заведующайсь Сивов ялгась, конач комсомольской работат лангс ваны аф йофси цебарьста. Тя комсомольской организацияса улихть комсомолецт, конат 3-4 кофт исть панда членской взност.

Мзярда комсомолецне мяр-гилхть Сивовти, примак членской взност, то сон отвечай: „комсоргс аф мон.

Культурно-массовой работа ко-дамовок аф йотафневи, кода аф союзной од ломаттнень йоткса, стания и синьценъ комсомолецнень йотксовок.

ВЛКСМ-нь райкомти эряви шар-фтомс тя комсомольской органи-зациять шири. Степной.

## АФЕРИСТТИ КОЛМА НИЗОТ ТЮРЬМА

Рыбкина. Октябрь 5 це шистон-за Рыбинской районной судть залог пашкодсь од ломаньде. Синь пуромсть кулжондома, кода пролетарской судсь революцион-най закоттнень мархта судендасы аферистт—проходимецт Шума-ровть

Кие Шумаровсь? Коса сон ра-бота?.. Шумаровсь служащень цюра. Сон нинге од, теенза аныцк 19 кизот, но сон кенерсь ни гаставомс и гаставсь пак. Сон добувась эстиенза ложнай докуме-нтт, прибавазень кизонзон и Камен-ской района (Куйбышевской край-са) этсесь Ленинской комсомолонь рядтненьди. Тяста и ушодозень сон эсь аферистской тевензон Сон кармасть эстиенза тиендеме кода-ма повсь ложнай характеристикат, отзывт и стак тов, конатнень лангс путнесь кодама повсь ложнай пичатть и тиендсь ложнай под-пись. Но аферистсь Шумаров Б-рис Николаевичсь тиконь лангс эшезь лотка, сон думандась вась-кафтомс коммунистической парти-ять, сон использовандозе ВЛКСМ-нь райкомса (Ковылкинаса) работа-мань положенинц и тийсь эс-тиенза кандидатской карточка ВКП(б)-нь членкс, путсь ложнай №15678, тийсь ложнай подпись и лангоснза путозе Рыбинской ВЛКСМ-нь райкомть печатенц, ко-нешна, аферистсь печатть эста мадсь аныцк фхя вал „коммуни-стической“, а и ляды валхнень, конат „аф эрживхть“ нордазень („мазаксазень“), штоба „афолхт шарьхкод“ партийнай работнике.

Аферистсь Шумаровсь содазень эсь мельганза грехнень, што сон аф аныцк партияса аф ащи, но и кунаракига паньтфоль ВЛКСМ-нь рядтнень эздонга (Панезь К—Чер-касскойса), а сяс теенза эржавсь тиес оду ложнай комсомольской документтка.

Ковылкинской ВЛКСМ-нь рай-комса работамстонза тийсь эсти-енза ВЛКСМ-нь членонь личный и учетнай карточкат и сембе ня лож-най документтнень мархта васькаф-тозень краевой и областной ком-сомольской комитеттнень, конат сонь кучезь Рыбкинань району ро-ботама ВЛКСМ-нь райкомть сек-ретаренцы заместителькс.

Рыбинской районца работам-стонза сон станяжа ашезь лотка машинничендамод, следственной оргаттне сонь кядьстонза мусть 21 чистой планкат, конатнень лангс путнефт разнай партийнай и совет-ской организациянь пичатть и штампт, тиендфот ложнай под-пись. И нинге лама шовда тефт, конатнень тиендезень Шумаровсь.

Сембень тянь инкса Рыбинской районной народной судсь Шума-ровти У. К. 169-2 це пъялкоци 82-це статьятнень коряс судендо е кол-ма кизоть тюрьмага ащемя.

Шумаровть тевот оцю урок сем-бе комсомольской организацият-неньди. Тя тевсь нинге весть ко-шерясыне комсомольской организа-циятнень и синь руководителсьон, конашкова оржаста эряви ваномс эрь комсомолонь члентть мельге.

Виард

Рыбкина

## „Мон аф избачень инкубаторан“

ВЛКСМ-нь ЦК-ть X-це пленумонц фрешениязон эса пак шарьхкоде-виста ульсь азф, што:

„Комсомольской организацият-неньди колхознай активити и РОНО-нь оргаттнень лездомаснон вельде сатомс сембе аф работай колхознай клубтнень, морфтома кудтнень и якстерь уженятнень паньжемаснон, тиес синь ясост порядок...“

Тя путфкесь и ВЛКСМ-нь ЦК-ть и Наркомпротсь мархта азф кон-курссь инь цебарьста работай м о р а ф т о м а кудонди, якстерь уженяньди и библи-отеканьди эржаволь ба пуомс рабо-тамань программас сембе ВЛКСМ-нь райкомтненьди, РОНО-тненьди и марафтома кудонь заве-дующайхненьди.

Но тянь ашезь шарьхкод Арда-товань ВЛКСМ-нь райкомть и рай-ОНО-ть заведующайс—комсомо-лецсь Гороховсь, а кда шарьхко-дезь, то умышлениа синь тя тевса мезевок аф тиендихть. Районца сембец 33 марафтома куд, конат-нень эзда 15 марафтома кудса аш избачт. Мзярда кизефцак РОНО-нь завт Гороховть мес тяфта аш нят 15 марафтома кудтнень эса избачт?—сон отвечай, што „мон вдь аф избачень инкубаторан, кода мон синь сясайне!“. Рай ОНО-нь завт тя тевть ланкс-

тяфта ванотать сюнеда лиссь ся, што районца лама марафтома куд йофси аф мольфтихть кодамовок работа.

Редкодубьесь—оцю веле, аф ва-номок сян ланкс, што райцентрат эзда ащи аныцк 4 километра вельф. Вов ни 7-8 кофт аш избач, конань сюнеда марафтома кудсь аф работай, 50-55 передвижка кни-гатне вапаят кучас колхозонь прав-ленияи, клубонь спенать ланкс мараф фураж, а колхозникнень и од ломаттнень йоткса кодамовок работа аф йотафневи.

Турдаки велеса избачсь канды 10-шка нагрукса: избач, сон жа вельсоветонь председателъ, сонжа комсорг. И вов тя универсалсь марафтома кудть (конач атак обо-рудовандак, аш эсонза галанка, якшама) шарфтозе вельсоветонь кудоньди. Сяс тяни марафтома кудть эса беспорядок и ветъ, аф ваномок сян ланкс, што аш сонь сторо-жец, сон кадондови атак пакстак. Марафтома куду кивок мзярдонга аф якай сяс, мес молезеньге сон мзярдоньга пара тоста аф няи

Ардатовань РОНО-ти и ВЛКСМ-нь райкомти тяфтама безобразнай по-ложенинть эряви сяда курук пе-темс и тевса кярьмодемс ВЛКСМ-нь ЦК-ть X-це пленумонц путфксонц пашкочнемь.

Тюрькин

## Пионеронь паньтфот

Очерк

Турдаки велень сире ломатнень лядфтасазь, кода Алатырь лять кувалма цебарь пичень вирьть пачк-яксежнесть велень козятнень апашаснь, тракссна. Сьоксе пяли мзярда шуфтнень алга коськоньць пиже кормась, вирьсь лядонць йоф-си ськамонза и кивок ашезь шорь-се вирень нармттнень цильнямас-нонды.

Аф фхя сокай ломаненьди са-шендовсь улемс Алатырь беря-гонзон ваксса и сельмочнемс тя мази вастть лангс. Аф фхя нужань няи ломень мяргоныкшнесь:

—Тяни улельхть ба лама ярма-ктон, тя пичень вирьнять потмос-тиелень шалашка и эрвалень тяса кода баяр—ярхчалень симолень и эшелажнелень Алатырень сетья ведть эса—

Да, Турдаки велень трудяй ло-маттненьди тя мази вастть колга лядонць аныцк думандакшнемс. Теест лия ашель мезе арьсекшнемс сяс, мес нят судоф эрзятнень ке-монь-крда ульсь люпштафт оцю азоронь вери пильгса.

Шовдава, пиче вирьть шура вас-тонязон пачк шинясь няфнезе сель-монц. Частонь стрелкатнень кафцьке пцтай рязок нюркхть алу прят. Дежурнайсь—Лидась варжактьсь часттнень лангс и саворне мяргсь; —Кода да пеля.—

Крхкаста ваймонь таргаманц мар-хта пуроптсь потмозонза коф (воздух) и кемоста люпштазе се-ренъ сигналть мундштуконц трван-зонды.

Башка персьеф комнататнень эзда, фхя-фхянь йотазь лась-озь лисеньць свежай, бодрый, радост-най сирьнат и цьорат, а минутш-када меле вирьть келеса жалнась:

„Легко на сердце от песни веселый, Она скучать не дает никогда. Любят песни деревни и села, Любят песни большие города“.

Кодгемонь фхия ломань, конат-нень иргасот якстерь галсукт сргозьсь тя пичень вирьть потмоса.

Код емонь фхия ломань тя пи-чень вирьть потмоса стройса мо-лезь, пейдезь морайхть тя мороть эса. Синь сргоземоснон мархта сргозьсь Турдаки велеть ваксса пичень вирьсь. Моронь гайфсь пач-копкшнни Турдаки велети нят ло-матненьди, конат сире пингонь сельмодькшнесть тя мази вастть лангс.

Тя пичень вирьть эса, коса яксек-шнесть велень козятнень жувата-сна, тийфт мокшэрзянь республи-канской пионеронь лагерхть. Эр кизоня нят сери пичетнень алга, Алатырь берягонзон ваксса вай-мосихть аф фхя тьожань инь це-барь ударник пионерхт.

И вов тяни тяса 61 стирьне и цьорат, конатнень эзда ламось мок-шет и эрзят. Синь эрь аськолмасна эрь свободнай пингсна ильхневи моразь кштизь. Теест весела сяс, мес партиясь и правительствась кемоста заботендай минь од ло-маньнеконь ингса. Синь весялат сяс, мес тя эрь ломаньтть зепса ули комсомольской комитетонь реше-ния, што сон кемокстаф почетнай и ответственной работас— пионе-ронь вожатайкс.

Шовдоза, зарядкада, штамода и завтракамода меле кафкса частста савомок и обедта меле колма части упорнайста тонафнесазь пионер-хнень мархта работама тевть. Пц-тай сембе нят од ломаттне мян-тиярс работасть учителькс, педаго-гос и вов тяни комсомолсь пору-чандазе теест тонафникнень мархта работамань инь оцю участкть—

пионеронь вожатайкс. Сяс синь-тяса тонафникхть тяфтама предметт, конат башка эрживхть тонафник-нень мархта работамста.

Педагогикать, военной тевть, затейнической мероприятиятнень, кода нолни стенной газетат, коч-кесазь идень коммунистической движенияхть колга кизефкхть, ху-дожественнай книгань лангса ра-ботама тевть и основной матери-алкс сембе курсонь работаса ари ВЛКСМ-нь ЦК-ть XI-це пленумонц решениянза, Косарев и Муськин ялгатнень докладса.

Кода частт илядть. Моразевсь пионерской горнась. Сембе отрядсь ульсь стройса. Отрядонь знамят-лихтемод меле отрядонь советонь председателсь Курлев Степась арась строить инголи и мяргсь: —Отрядонь сборть лувса пань-чфста.—

Сембе озсесть кругс. Васень ки-зефксоньди ульсь путф беседа ге-ройхнень колга. Кда терьф пред-ставительсь аделазе 15 минутонь беседанц пионерсь Колясь башка азондси геройть—Павлик Моро-зовть колга, а кда Колясь аделазе эсь азондоманц сембе отрядсь-стась и дружнаста моразь Павлик Морозовть колга морозь.

Омбоце кизефксоньди кочкесзь эсь отрядонь тевснон и пети Под-горная Нинать звенац тиендць физкультурнай номерхт.

Сборсь шуморсь. Одукс лажна-зевсь вирьсь:

„Тот, кто с песней по жизни шагает Тот никогда и нигде не пропадет. Шагай вперед, комсомольское племя...“

Да, аськоляк инголи комсомоль-ской племя. Нят валхнень мархта пейдезь, рахазь сай аськолямоц эрь трудяй ломаньтть нят жизне-радостнай пионеронь паньчфнень мархта. Бга нефтома вирьть пачк-гайняй тя кодгемонь фхия вай-гяльсь. Кда шуморсь морось, сем-бе кундесть фхя-фхянь кядсь и Дмитрев Сашкань гармониянь вай-гялензон ала, лама мянкс мархта танцовандасть марстонь танецт. „Калинушкать“, „Татарочкать“, „Яб-лочкать“, „Болгарочкать“, „Гапо-чект“ сисемшка „Полечкада“ и нинге лама марстонь танецта, ко-натнень кштикшнесазь пионеронь вожатайхне.

Тяни синь нинге марсот, фхя ке-мя семьясот, а ванды тя живой, энергичнай армиясь страды эсь районгаст, эсь велеваст, эсь шко-лаваст и примайхть пионеронь от-рядт. Нят исаконь велень учитель-хне ванды туйхть теест йофси од работас.

Минь Мордовиясонок тяфтама курст йотафневихть васеньцада. Нят курсне минь республикасонок сембе пионеронь работати лисень-дихть аныцк паньчфокс. Но тя ва-сень ушодксь, васень курсене, эряви азомс йотасть парста. Кур-сонь начальникть Кильдяковть рес-публикава инь цебарь пионеронь работникнень Растегаев Колькать, —Дмитрев Сашкать руководствас-нон мархта аноклафт 61 прекрас-най пионер вожатайхть.

Сави увереннайста азомс, што нят вожатахне эсь работасост оп-равдандасазь лангосот путф оцю почетнай званияхть. Синь пионер отрядса воспитандайхть бодрый, цебарь шумбра ши мархта од ло-матть, конатнень мархта можна азэмс:

„И если враг нашу радость живую Отнять захочет в упорном бою, Тогда мы песню споем боевую И встанем грудью за родину свою“

Ардатово. Пионеронь лагерста



# Первичнай комсомольской организациясь срадома лангса

Саранск. Ульсть возможность ся-чди, штоба почтань первичнай комсомольской организациясь ладямс комсомольской работай кода комсомолечнень йоткса, станя и аф союзнай од ломаттнень йоткса, и максомс теест коммунистической воспитания.

Аф ваномок ня уликс возможность и партийно-комсомольской вийть лангс, сембе сяка первичнай комсомольской организациясь кафта кизонь кувалма кодамовок работа аф вятви аф аныцек аф союзнай од ломаттнень йоткса, но синьцен комсомолечнень йотксовок. Комсоргокс сентябрь 28 це шинцты самс работась Галкинц, кона кафта кизода лама лувондовсь „комсоргокс“ и мезевок ащезь тиеньде.

Коса тyani ингольден комсоргсь Галкинц?

— Сон кучф Инсарской району постояннай работас, конаньди максф цебарь характеристика: „работась кафта кизода лама „комсоргокс“ и стак тов“.

Тyani комсомольской организациясь октябрь 2-це шистонза кочкаф Епифалов ялгась.

Мзярда мон кизефт-не: косот комсомольской тефне?—сон кучф-кис и корхтай: вагот. Лихтезе карманстонза тетрадь лангаст, конань потмоса ульсь фкя кати мзярден протоколонь черновик и 5 аф заполненной чистой личной карточка.

Од комсоргсь корхтай: мзярда мон примайне ня „тефне“ и тунь мархтост ВЛКСМ-нь горкому Нефине синь горкомонь секретарти Ки елев ялгати, сон корхтай: Штопи тусь хулиганц—Галкинц?

Тяста няев, што ВЛКСМ-нь горкомсь содаль, што почтань первичнай комсомольской организациясь кодамовок комсомольской работа аф вятви, нльне содазе, што сон хулиган и виде сон производстваса ульсь оцю хулиган, тзфтама отзывт теенза макссест производственной пуромксса, а ВЛКСМ-нь горкомсь кода мовок мяль тьянь лангс изь шарфне.

Киселев ялгась од комсоргсти корхтай: Галкинц эряволь комсомол стонга панемс кунара кия, а мес бли сон аф аныцек комсомолста иззе пань тзфтама „работанкса“, а нльне комсоргстонга иззе валхта тучозонза.

Мес тзфта лиссь? Сяс, што горкомсь тз пингс лац аф содасыне первичнай комсомольской организациятнень работаснон, кона организациясь работай цебарьста, конац ускови пулоса.

Аф ваномок тьянь лангс, што комсомольской организациясь срадома лангса, ингольден комсоргть Галкинцт холдазь комсомольской билет мархта, конань кяцта кунара ни эряволь сявомс-ба билетоц.

ВЛКСМ-нь горкомти эряви мумс Галкинц, и валфтомс аф аныцек работаста а максомс нльне оцю комсомольской взыскание.

Мзярда савсь ваномс „ком о мольской хозяйствась“ то тосонга тевсь ащи калдывста фкя комсомолецт, конац причаф комсомолу 1933 кизоня, тз пингс аш комсомольской билетоц, станя фкявок комсомолечонь аш заполненной личной карточкац.

Лихтф тага оцю афсатыкс, тзяс, первичнай комсомольской организациясь улихть личной незаполненной карточкац, конат лишнайхть.

Мзярда савсь кизефтемс од комсоргсь коста повсь лишнай карточкась и накой кырпасть, то сон корхтай, што фкя ударник йорай сувамс комсомолу, тз карточкац вантфцасьч теенза.

Коста повсь лишнай незаполненной карточкась кивок аф содасы, горкомсь авансом аф максси.

Политтонафнема мзярдонга изь эрсе и тзанинге аф эряй, кода аф союзнай од ломаттнень йоткса, станя синьцен комсомолечнень йотксовок.

Комсомольской пуромкст, мзярда ульсть, комсомолечне аф меляфцазь, пади и исть уль.

Комсомольской списка тз первичнай комсомольской организациясь кодамовок аш.

Мзярда комсоргокс путозь Епифонов ялгати, то сон тусь сембе производствать ланга якама и кизефни кие комсомолец кие аф? Тз пингс лац аф содасазь мзяра почтаса комсомолецта.

Комсомольской пуромксса тз пингс изь кочкес ВЛКСМ-нь ЦК-ть XI-це пленумонц решениязон, а станя и Коминтернань 7-це конгресть решениязонга.

Кодамовок культурно-массовой работа аф вятви, стеннай газета аф лисеньди ни кота кофт.

Почтаса лама афсоюзнай од ломаньде (ведьгемоньшка), а комсомолецта од комсоргсь „мусь“ аныцек 4 конатнень йоткса фкя стирь не.

Афсоюзнай од ломаттнень ули оцю мяльсна сувамс комсомолу работамс комсомолть мархта, но синь аш возможностьна сувамс, сяс мес комсомольской организаторсна, комсомолу сувайхнень лангс кодамовок мяль аф шарфнихть. Афсоюзнай од ломаньц Шулюповсь макссест почтань комсомольской организациясь заявление, штоба сон прималезь комсомолу, но сон заявленияц 7 кофт атак ванонт и мекпяли Галкинц юмафтозе. Тзфта ваныхть и лия афсоюзнай од ломаттнень лангска.

Фкявок комсомолец аф сформатфни комсомольской газета, и кодамовок литература тз организациясь аш.

Военно-технической экзаментть максоманц колга мезевок атак тийхть. Аныцек комсоргть улихть, ГТО-нь и „Ворошиловской стрелковонь“ значеконза, а иля комсомолечнень киньге аш.

Тз пингс атак пуропт физкультурнай кружок. Комсомолечнень и афсоюзнай од ломаттнень ули оцю мяльсна занимадамс физкультураса, и максомс сембе норматнень ГТО-нь значеконди, но комсоргс-нон халатнай шидонза тз сембе юкстаф.

Улихть пуроптф добровольной организацият, но синь аныцек кагот ланксот, работа эсост кодамовок аф йотафневи.

Мезе азы тьянь каршес ВЛКСМ-нь горкомсь?

Комсомолец.

## УЧИТЕЛЬСЬ РАБОТАНЦ ЮКСНЕСЫ

Шайгава. Сарга велеса начальнай школаса работай учителькс Алямки Иван Максимовичсь, сон сидеста кадонцыне учениконзон эсь воле.

Сентябрь 22-це шистонза сявомок 25-це шинцты самс „симоньц сяпи ведьта“ и ня шитнень школавга изь яксе.

Тз инкса РОНО сь Алямкинтти макссест выговор последнай предупреждени мархта, но сон эсь тевонц сембе сяка аф кадонцы.

Шайговонь РОНО-ти эряви шарфтомс мяль Алямкинтть лангс.

Учитель.

# ЛАДЯМС ДОБРОВОЛЬНОЙ ОРГАНИЗАЦИЯТНЕНЬ РАБОТАСНОН

Саранск. Мокшэрзянь медицинская техникумса пуроптф лама добровольной организация, но синь эздост работайхть аф сембе. Добровольной организациятнень эзда цебарьста работай РОКК-нь добровольной организациясь, (руководительсь Богатенко ялгась), конац эсь добросовестнай работанц вельде эсь работасонза сатсь оцю сатфкт.

Васендакигя РОКК-нь организациясь инголе ульсь—160 студент, тз кизоня примаф организациясь 200 студент. Сембоц—400 ломань организациясь, ошса инь оцю организациясь.

Сембе РОКК-нь четлне фатяфт ГСО-нь эи-чеконди комплексонь (нормань) макссемаса.

Тзаниень пингсти самс максозь сембе норматнень ГСО-нь значеконди 130 ломань, конат казф-ни ГСО-нь значекса.

160 ломань йотазь кружокса васьенце помошть, курок йотасазь иляды четлнень мархтовок.

РОКК-нь организациясь пуроптф кафта военно-санитарнай дружинац, эрь дружинаса—40 ломань, сембоц 80 ломань.

Медтехникумонь РОКК-нь организацияста кемокстафт студентт учебнай заведениясь и производстваса, кода Пединституту, ВКСХШ-в, консервной канбинату, коса медтехникумонь РОКК-нь четлнень вийсон мархта пуроптф РОКК-нь кружок, кода йотафневихть занятия.

Занятия тонафнихть ГСО-нь значеконди макссема комплекснень и

макссихть норматнень ГСО-нь значеконди.

Но эряви азомс, што РОКК-нь организациясь ули нинге афсатыкс, тз ся, што атак ладяк членской взносонь пандомась.

Физкультурнай коллективсь станяжа кой-мезе тийсь.

ГТО-нь значеконди нормань макссемаса фатяфт сембе шумбра студентне, максозь сембе норматнень ГТО-нь значеконди 50 ломань.

Тзани физкультурнай коллективса пуроптф агитбригада—10 ломань-цта, конац аноклай выступление.

Пуроптф кафта гимнастической группат, конатнень мархта ушоды занятиясь октябрь 1-це пзлькстонза.

Физкультурнай коллективти рамафт брусат, козел, колцатт и лия инвентарь.

Но лиякс ащи тевсь ОСО-нь организациясь (руководительсь Каймов ялгась), сон тз пингс лац аф содасыне соньцен членонзон, станя и калдывста ащи тевсь МОПР-нь и СВБ-нь организациятнень эс-вок.

Мес ня добровольной организациятне аф работайхть? Сяс, што синь руководительсна аф лувсазь тз организациатнень важностьсон, и аф лувсазь эрявиконди, ня организациятнень эса работай ладяманц и эсь лангсост кодама ответственность аф кирьдихть.

ВЛКСМ-нь комитетти и профкомти эряви варжакстомс добровольной организациятнень шири и сяда курок ладямс работасна.

А. Д.

## Колхознай идень кудсь ушедозе эсь работанц

Березники Судасева велень идтне тонафнема кизоть ушедозь цебарьста аноклафста. Велень советсь и колхозонь правлениась цебарьста петьфтезь школань помещенихть, рамасть учебнай пособиат, тетрадьт и стак тов.

Колхозникне и велень советсь заботендасть и сянь колганга, штоба синь идьсна культурнайста йотаф-елезь стак ащема пингснот.

Идтненьди, цебарьста колхознай урожайть ваноманкса и тонафнема од кизоть цебарьста анокламанкса вельсоветсь и колхозонь правлениась подарканьди казньетди тийфть колхознай идень куд.

Идень кудса ули цебарь зал, коса ули пианино, балалайка, читальня, военной ужоне, синьцен библиотекасна.

Сентябрь коваста колхознай идень кудть панжема пуромкшнесь 200 идь. Павазу идтне пуромсть идень кудти морасть морхт, организованлакшнесь марстонь ират, танцт и стак тов.

Торжественнай панжемада меле

идтне ванцть постановка, конань путнезе пионерской отрядонь драмкружоксь, лемоц „Колька в плену“. Постановкась идтнень мялс пзк тусь, сембе идтне шарькодезь кодама оцю значенияц колхознай идень кудть.

Драмкружоксь тзани аноклай омбоце идень постановкац.

Колхознай идень кудса драматической кружка башка ули музыкальнай кружок, авиомоделистонь кружок, коса идсна кармаихть тонафнема, кода тиес авиомодель.

Колхознай идень кудса руководителькс работай старшай пионервожатайсь Пожаров ялгась и инь цебарь пионерсь колхознай паксятнень эса, дозорниксь, конац казф республиканской и пионерской санатория молема Проткин Ванясь, сон отличник инь цебарь ударникс тонафнемаста.

Лия вельсоветтненьди, колхозонь правлениатненьди и комсомольской организациятненьди эряви сявомс кеподькс Судасево велеть эзда.

А. Гирдо.

## ТРЕУГОЛЬНИКСА — СЕМБЕ РУСТ

Саранск. 1935 кизоня Мокшэрзянь рабфаку примасть кафта группат мокшень и рузонь, сяс мес мокшень группаса аф лама мокшеда, аныцек 13 ломань, йотафть мокшень группати 12 руз.

Профкомсь тз „мокшень“, 2-це курсонь „Г“ группань треугольникти кочкась сембе руст, а мокшетне илядсть бокс.

Группат старшаец Соколовсь кодамовок работа группаса аф вятти. Класа дежурнайхть мзярдонга аф эряихть.

Группань старшайти эряволь нафтемс пример сембе группань

студенттненьди, а сон соньч пзк калдывста вятсь пряни. Кда моли тонафнема, то сонь сияби атак пункстак, класса прокс заровандай.

Полит минуткатня прокс сязень-девихть сонь сюнедонза.

Мзярда пуроптихть группавой пуромс то сон аныцек рахси.

Рабкораконь комсомольской организацияти и профкомти эряви шарфтомс мяль тз группат лангс

Мокша.

Отет. редакторть полафтыец  
С. С. ЛАРИОНОВ.

Уполномоченный главдито № 1576. Тираж 2032. Заяв № 2981.

г. Саранск типография „Красный Октябрь“ Мордгиза